

Q. D. B. V.

DISSERTATIO MEDICA,  
sistens  
ÆGRUM LABORANTEM  
D O L O R E  
ISCHIADICO,

Quam

IN ILLUSTRIS ACADEMIA SALANA,  
PRÆSIDE

*Nobilissimo, Excellentissimo atq; Experientissimo,*

DN. GEORGIO WOLFF-  
GANGO WEDELIO,

Med. Doct. Theoret. P.P. Archiatr. Sa-  
xon. S.R.I. Natur. Curios. Adjuncto, & Academ. Re-  
cuperatorum in Italiâ Collegâ,

*Dn. Patrono, & Studiorum Promotore suspiciendo,*  
*publicæ Philiatruræ disquisitioni subjeciet*  
in Auditorio Medico,

horis consuetis,

RESPONSURUS AUTOR,

MARTINUS Stohberg / LIGNIC. SILES.

*ad diem*

*Augusti A. M D C L X X X I.*

---

J E N Æ,

LITERIS KREBSIANIS.

THE NEW YORK PUBLIC LIBRARY

ASTEN LENOX AND TILDEN FOUNDATIONS

500 N. 5TH ST. NEW YORK, N. Y.

1891

IN LIBRARY OF THE NEW YORK PUBLIC LIBRARY

ASTEN LENOX AND TILDEN FOUNDATIONS

500 N. 5TH ST. NEW YORK, N. Y.

1891

IN LIBRARY OF THE NEW YORK PUBLIC LIBRARY

ASTEN LENOX AND TILDEN FOUNDATIONS

500 N. 5TH ST. NEW YORK, N. Y.

1891

IN LIBRARY OF THE NEW YORK PUBLIC LIBRARY

ASTEN LENOX AND TILDEN FOUNDATIONS

500 N. 5TH ST. NEW YORK, N. Y.

1891

IN LIBRARY OF THE NEW YORK PUBLIC LIBRARY





a. w.

## PROOEMIUM.

**N**ullus est ex omnium morborum genere, qui majoribus, ac dolor, molestiis scatens tot suspiria, clamores, ejulatus ægris extorqueat. Hic accensas furiarum faces æmulatur, quibus miseri dirissimè nonnunquam affliguntur; ut mori sæpè malint, si daretur electio, quàm cruciatus tam immanes ac intolerabiles diutius perpeti. Quinimò multos eò legas adactos, ut consultius esse duxerint, violentas sibimet manus inferre, quàm acerbissimis longè vexationibus ulterius agitari, hocq; desperato ac infelici consilio vitam cum morte commutare ausos fuisse.

Præterea etiam, quod de febribus *Seneca* dixit *epist. 95.* id dolori eodem, si non majori, jure applicare poterimus, dicendo: ejus genera innumerabilia esse.

Silentii enim peplo involvemus, quæ minorum sunt gentium; nec multis memorabimus dolorem hypochondriacum, colicum, mesentericum, dysenteriam, stranguriam, pleuritidem, cardialgiam, cephalalgiam, odontalgiam, aliaque hujus commatis infausta nomina; neque doloris mentionem injiciemus, qui luxationi, contusioni, vulnere, lvi venereæ supervenit; aut qui virginibus, dum menstrua erumpunt, vel gravidis partui vicinis, ac post eundem ad coxam accidit.

Instar omnium est arthritis, seu in universo corpore sæviens vagum in modum, vel constanter magis manuum & pedum officia disturbans. Satis fuerit, unius meminisse doloris ischiadici, etiam illis locis, ubi reliquæ arthritidis species rariùs visuntur, frequenter occurrentis.

Hoc dum facimus in exemplo proposito, supremum veneramur numen, ut omnia ex voto eveniant!



## *Historia.*

**V**Ir XLV. annorum, temperamenti melancholico-pituitosi, habitus corporis mollioris, tempore hyemali & aliàs frigori exponere corpus solitus, ac in seram usque & intempestam noctem lucubrationibus incumbere, victu delectatus duriori, salitorum, infumatorum, pingvium, & muriatorum esu, vini generosi potum non abnuens largiorem, alvi obstructionibus laborans ob desidem vitam sæpius, Veneri indulgens, nec iræ temperans, à plurimis annis modò dolore hypochondrii, modò aliis symptomatibus scorbuticis, respiratione difficili, anxietatibus, subinde laboravit. Tempore autumnali frigido & pluvio corripitur dolore lumborum profundo, continuo & insigni, eoque per aliquot hebdomadas durante, protenso nonnunquam versus ingvina, frequentius versus os femoris; sentit inde ardorem ejusdem, imò & tristem sensum ad genu, suram, & extima pedis produci, cum movendi difficultate, idque sinistro potissimum latere, dextro salvo, nonnunquam & versus superiora in humerum & brachium ipsum, nullo rubore & tumore conspicuo. Sequenti tempore genua labant ob torporem residem, qui & manum exercet. Accensis dolorum facibus extrema nonnunquam frigent, crispantur.



crispantur venæ & intumescunt, subsequo vago æstu. Somni adest defectus, appetitus mediocris. Petitur consilium.

## Α Ν Α Λ Υ Σ Ι Σ.

**A**ffectus, quo æger laborat, à parte affectâ nomen indeptus, est DOLOR ISCHIADICUS, ab Hippocrate modò singulari numero ἰχιάς, modò plurali ἰχιάδες dictus, unde Barbari schiaticam suam effinxerunt; aliis coxendicum morbus, vel etiam, ut nobis videtur, commodè arthritidis lumbaris audiens, Germanis das Lenden-oder Hüft-Weh/ seu, appposito magis vocabulo, das Hüft-Zipferlein.

Ne enim confusio nominum nos remoretur, operæ pretium erit, ex genuinis Hippocraticis fontibus, ipsâque quotidiana praxi innixis, concipere dolorem ischiadicum duplicem; unum diffusum, latius patentem; alterum strictiorem, potissimum circâ acetabulum ossis ischii, in quo femoris os circumvolvitur, unicè consistentem.

Ille potissimum hujus est loci, cuius tum alibi sæpius meminit divinus senex, tum præcipuè *l. de intern. affect. c. 54. t. 6. & l. 2. porrhet. c. 46. t. 1.* ut posterioris *l. de affect. c. 30. t. 1. seq. & 6. aph. 59.* Quam in rem etiam legi meretur *Aretæus l. 2. diut. c. 12. p. 123.* Nec aliâ ratione ἰχίς & lumbos notat, & ἰχίον coxam, *ἔτι τὴν ἰχίον*, à robore, quòd moles corporis hâc potissimum parte sustineatur.

Adesse exosum hunc hospitem, produnt ex ESSENTIALITER INHÆRENTIBUS dolores in lumborum regione profundi, continuis & enormibus simul cruciatibus nostrum torquentes; protenso tristi sensu ad igvina, femur, genu, suram, & extrema pedis.

Idem confirmant ESSENTIALITER CONSEQUENTIA; actiones læsæ omnis generis, in facultate animali corpus movendi difficultas, torpor & infirmitas, item somni defectus; in naturali appetitus mediocris; in qualitatibus mutatis (quod & ad vitalem



vitam actionem referri potest merito) frigus extremorum, seu quòd crura aliquando calida, aliquando frigida fiant, & crispatio venarum.

Album pariter addunt calculum CAUSÆ PRÆGRESSÆ; malum imprimis hypochondriacum, aliàq̃ symptomata scorbutica, & egregiè isthæc fovens diata, vituperium omninò incurrens. Unde *Draviti* dolores hosce, calculum mendaci specie repræsentantes, pro scorbuticis habet *Tit. 9. de dolorib. scorbut. p. 346.* Harum verò paucis solùm mentionem hîc iniecisse sufficiat, quòd inferiùs inter causas remotas latius recenseantur.

Nec SIMILITUDO denique abnuït; multi namque hujus notæ valetudinem experientes proclamati sunt à peritissimis Medicis affectu ischiadico laborantes, ac pro talibus curati quàm felicissimè.

Singula hæc non calculum dolorum horum patratores arguunt, ut videri incautis posset, quod diversa à calculo *Φανόμεινα* demonstrant; licet in quibusdam observatum sit, affectum ischiadicum præcessisse, vel comitatum esse calculum, cùm ex eodem fonte scaturiant.

Cum verò non lædat dolor hic primò ac immediatè actiones, sed continui solutionem intemperiei debitam, velut umbra corpus, sequatur; hinc *essentiam* illius considerantes ad symptomatum classem eum referimus, in specie actionum, & quidem animalium præcipuè, depravatarum, non tam ratione dijudicationis, quàm objecti improporionati.

Ratione *numeri*, infaustum notamus plexum atque nexum mali hypochondriaci, aliorumque scorbuticorum symptomatum, cum dolore nostro.

Ratione *temporis* adhucdum continuus quidem est; vitamen analogismi chronicis optimo jure ipsum annumeramus.

Ratione *vehementiæ* magnum eundem pronunciare quid prohibet? non tantùm in comparatione ad reliquas arthritidis species, & ipsummet dolorem lumborum nondum inveteratum; sed & respectu affectæ partis ad motum summè necessariæ, rebellis naturæ morbi, & aliorum symptomatum.



SUBJECTUM DENOMINATIONIS constituimus τὴν ὀστέον (quâ de vid. *Arist. l. 1. H. A. c. 13.*) καὶ σπονδυλός, lumbos & vertebrae eorundem; quatenus & hæc constituunt τοὶ ἄρθροι, articulos, seu articulantur per γύγλυμον, & ad inflectendum variè corpus faciunt.

Notabile hic est, tantò majores communiter esse articulorum dolores, quò major fuerit & insignior eorundem motus: unde gravissimus est circa acetabulum ossis coxendicis consistens.

SUBJECTUM INHÆSIONIS PRINCIPALE sunt partes membranose, fibris nerveis abundè instructæ, circa dictum clima occurrentes, ipsumque periostrium; quoniam hæ partes solæ mediocritatem obtinent, ut quam *Philosophus l. 2. de animâ c. 12.* ad sensum requirit: seu, ut idem aliis tantum verbis magis distinctè exprimamus, ad ductum *Excell. Dn. D. Praef. Præceptoris ac Patroni ætatem venerandi, in Physiol. Med. sect. 4. c. 7. p. 281. seqq. eleganter de tactu differentis*; quia non dantur in loco affectio partes præter has, quæ maximè sint temperatæ, ac spiritu, alcoholisato inprimis, animalis nomen adepto, sufficienter vigoratæ.

ADÆQUATUM & MINUS PRINCIPALE absolvunt inguina, os femoris, genu, fura, & extima pedis, singulisque vicini muscoli, in sinistro potissimum latere; ad humerum quoque, brachium, & manum molestiis nonnunquam derivatis.

Si enim omnia, quæ circa ossa observantur, examinare lubido sit, tantum abest, ut illorum substantiam primariò affici statuamus, ut omnem manifesti tactûs sensum illi denegare, quam attribuere tam insignem, rectius existimemus; ne ipso quidem *Paréo* contradicente, qui tamen exiguas nervorum fibras in ea disseminari asserit. *Conf. ejus Anat. l. 3. c. 4. p. 109.* Quanquam enim sat celebris sit dolor ὀστοπόνο; illum tamen improprie ita vocari, certò persuasi sumus, quòd tam exquisitus dolor immediate ossibus circumjecti periostei, & vicinarum membranarum fit.

Cartilagines nemo, quòd sciam, principale affectûs subjectum constituit; nec in eas, ut in ossa, nervulos derivare quisquam est conatus, sed sensus illas expertes uno quasi ore omnes



Anatomici pronunciant. Cui asserto vel hoc solum satis patrociniatur, quòd inevitabilis semper foret dolor, quando femoris e. g. & acetabuli cartilaginee continuo in motu invicem alliduntur.

De vasis sanguiferis & lymphaticis altioris paulò indaginis res videri posset, quam tamen in compendium redacturi dicimus, substantiam hæc quidem sortita membraneam, minus tamen nervosas esse fibras, quas utriusque generis venis *Galenus*, aliique attribuunt; in specie autem sic dictis *Fallopium* & *Vesalium* penitus denegare, celeberrimus *Rolfincius* refert *dissert. anat. l. 5. c. 6. p. 821.* in arteriis nihilominus dari, experimento & ratione confirmat *Dimerbr. l. 6. Anat. c. 1. p. 800.* Præterea enim, quòd anevrismata & varices sine tantillo ferè dolore perferantur, vena quoque secta nullum inducit, nisi qui à necessariò læsâ simul cute provenit; indicio sat manifesto, sensu illam, si quis adest, perquam obscuro gaudere.

Nec de arteriis in specie scrupulus magni momenti est; sanguinem scilicet spiritibus refertum per illas meantem majori ipsarum sensui velificari. Arteriosi enim sanguinis canales venosi vasa densitate, ut hunc ille spirituum copiâ prævalent: quod ita providenti statim naturæ partim, partim perpetuis pulsationibus adscribendum esse, arbitramur, occalescere illos sensim facientibus. Accedit motus causæ morbificæ per ipsas celerior; unde haudquaquam mirum est, experiri ejus potius insultus partes non solum delicatiores, sed in quibus subsistere insuper hostis hic potest.

Ligamenta non sustinemus ἀναισθητα promiscuè pronunciare. De cartilagineis res quidem in vado est; membranosis autem sensum esse denegandum, negamus. Indeque fatius est, à quibusdam allegata *Pergameni* loca cum grano salis accipere; loqui scilicet ipsum comparatè: quemadmodum (ut hoc obiter addamus) *Jul. Alexandrinus* notis ad *Galen. 9. de usu part. c. 18. ἀμύελον* dici leonem, ait, ut ἀτρεφὲς χηλόν, καὶ ἀφώνον vocamus illum, qui brevi est collo, & exili voce: non quod omni penitus careat medullâ, sed eam paucam obtineat, testante id αὐτόπῃ *Columbo l. 1.*



*Anatom. c. 19.* Cui medullæ, vel succo potius vertebrarum medullari, subjecti primarii titulum itidem denegamus, quod per se animali sensu non polleat. Hinc neque consistens in cavitate articuli dolor, quod *Trallianus, Arculanus, Mercatus*, aliique continent, ipsi *κοτύλη* seu acetabulo repleto adscribendus venit, nisi per accidens, distentis ligamenti & tendinibus musculorum. *Vid. Rolf. epit. affect. part. l. 4. c. 1. p. 367.*

CAUSA IMMEDIATA est solutio continui, *διάσπαισις τῶν συμφύτων μερῶν*, connatarum partium divisio vocata *Aristoteli lib. 6. topic. c. 8.* communis omnium dolorum genitrix. Non verò intelligimus eam consummatam, quæ solutæ unitatis nomine venit; sed incipientem, & intentatam, quam vocant in fieri, ut perfectam illam in factio: uti & juxta *Hippocr. 2. aph. 47.* dolores tunc oriri & persentiri constat, dum pus fit, non autem eo confecto; siquidem major longè efficacia est causæ tristem inferendi sensum, quæ distendit partes, & rupturam minatur, quam quæ hanc ipso actu inducit. *Vid. Helmont. de lithiasi c. 9. §. 12. seq.*

Prius autem quam definiamus, quæ CAUSA MEDIATA PROPINQUIOR sit, ex pathologicis supponemus, 1. in omni dolore esse velut spinam infixam, seu circulationem sanguinis impeditam; quo factio, continuatâ nihilominus perpetuâ pulsione, necessum est, fieri *ῥευματισμὸν*, seu influxum confertim & cum impetu; unde dolor, calor, tumor, variantibus his ipsis pro agentis humoris & patientis membri circumstantiis.

2. Serum naturâ suâ blandum, roscidum & dulcem humorem esse, qui sibi relictus, tantum abest, ut affligat, vel tristi sensu mactet; ut potius partes, quas continuò alluit, suaviter afficiat.

3. In hypochondriacis verò & scorbuticis, aliisque inquinari illud ipsum salinis, acidis, tartareis, impropotionatis atomis, quæ vel fluidæ hinc inde fluctuant congestæ, vel in coagulum fatiscunt, vel saltem *ερείσιν* patiuntur & inducunt, poris membranularum inæqualiter illabendo.

4. Omnem dolorem materialiter à salibus esse, rodentibus, findentibus & lancinantibus, quando vel non diluta temperantur, vel *ἀλγώγειν* patiuntur, prædominium nacta.



5. Illi parti potissimum infigi spicula, & labem affricari, quæ vel ab externâ injuriâ, vel aliunde nativâ vel acquisitâ gaudet debilitate fibrularum nervearum; unde excipere quidem alabentes vitales succos, non verò dimittere, nec resistere æquè valet.

6. Salium evolutionem & γένεσιν fieri inchoativè in culinis viscerum infimi ventris, continuatione verò factâ in reliquis locis, ubi filtrari & transire solent humores; idque tum ratione obiecti, si abundant in assumtis acuentia sensim sensimque serum; tum culpâ efficientis, si deturpatis fermentis privatis, ex bono cibo pravus chylus, sanguis & serum enascitur.

Ex his, ut alia mittamus, patere potest, causæ proximioris vicem subire quoad *essentiam* serum, ob acetosum statum melancholicam, ob coagulabilitatem pituitosam *νεφρίων* excludens.

Neque aliud dicit synovia *Paracelsi tract. de podagr. p. 540. & Helmontii l. volupe vivent. morb. t. 15. seqq. p. 314.* quàm ipsum serum, pro nutrimento speciali ossium inprimis, ut & aliarum partium, γλιχρότητι suam expandens.

Quoad *essendi modum* peccat *quantitate, qualitate, & motu duplici, generationis & locali.* Non evacuatum decenter per loca debita, poros cutis, renes, aliaque emunctoria, congestum plus justo excrementitiam induit naturam, & acrius, asperius, falsius, acidius redditum, non sine bilioso quoque charactere & scorbutico, impropotionatum constituit partibus laborantibus obiectum.

Quòd si *motum generationis* perputemus, facile ex dictis erit eundem arceslere ex hypochondriis; sin *in locali* partem mandantem, seu *terminum à quo, ad quem, & per quem*, magis stabiliri, & illustrari affectûs poterit causa originaria.

Neque enim vel à capite *ἐπιρροήν*, seu influxum derivare opus erit cum veteribus quibusdam, qui lymphæ vasorum ignari, quòd eandem in capite copiosam invenirent, & referri inde cognoscerent, nec rarò deviare, inducti sunt credere, & arthritidem, & omnia adeò fluxionum genera inde velut à fonte proficisci. Nec à pyloro malè affecto unicè calamitatem profectam asserere



asserere integrum est, quod *Hilmontio* placet *l. Jus duumvir. t. 20. p. 243.*

Sine dubio enim *PARS MANDANS* idem membrum erit, ac succi nutritii; nec *VIAE* diversæ, quàm ejusdem latores. Quid miri enim est, partem, quæ, juxta receptam regulam, dulcibus nutrirî debebat, malè habere, si alimentum accesserit peregrinum, & ibi hosticum evadat? Neque enim opus est, dato in massâ sanguineâ, vel toto, quopiam peregrino, omnes æquè affici partes; sed ad unam, hanc vel illam, hoc loco basin corporis, amandare archeum amurcam, postquam ibi labefactari cœpit œconomia, & labes affricari. Arteriæ fuderunt morbosum *σαῦμα*, venæ & lymphatica vasa non reportârunt, sed bonam reliquère partem magis magisque fracescentem, & vappescentem, adeoq; rodentem.

Terminum ad quem, seu *PARTEM RECIPIENTEM* esse lumbos, nemo facilè inficias ibit. Cur verò huc potissimùm regiam suam causa morbifica stabiliverit, disquirere operæ pretium est. Nominari possunt decubitus cœco ductu factus, debilitas partium à seminali ideâ impressa; cum primis verò, quòd partes illæ, ossium crassius vallum, minùs sint porosæ & transpirabiles; adeoque faciliùs ibidem consistat humor, & circulus impediatur. Accedit vita sedentaria in nostro ægro, veneris frequentatio, & externum frigus, quæ singula plurimùm huc potissimùm invitârunt morbosum chaos. Tacemus, per ætatis illum decursum facilè potuisse lapsu, saltu, aliisque aberrationibus motûs partes illas suscipere promptiorem morbi admissionem.

*CAUSARUM REMOTIORUM* examen suscipere dum ordo nunc jubet, de *SUPERNATURALIBUS* sufficiet monuisse, quòd non desint quidem, qui dolores quosvis graviores & diutius durantes sagarum incantationi adscribere non dubitent; eò autem descendere, quis non supervacaneum judicet, ubi causæ manifestæ ad nauseam patent, nec quicquam insoliti, & ab aliis hujus conditionis ægris diversi occurrit?

In *NATURALIBUS* annum æger inter *XL. & LX.* agit, adeoq; eâ *ÆTATE* est, quam aptissimam ad ejusmodi generandum affectum



affectum judicavit *Hippocr. l. 2. prorrh. c. 45. t. 1.* fortè, quod calidum innatum fortissimum usque ad annum XL. sufficere facilius possit dissipandis impuritatibus sanguinis coagulum intentantibus; post eum verò κατὰ τὸ πολὺ sensim imminuatur, nondum tamen ante LX. annum adeò sit debilitatum, ut à centro ad peripheriam ejicere materiam morbificam haud amplius valeat.

Ratione sexus virilis præ sequiori obnoxius est hujus notæ affectibus; quòd non statò tempore ordinariè, ut hic, excernat sanguinem cacochymicum æquè, ac superfluum. Quam causam allegans *Cous 6. aph. 29.* mulier, ait, podagrâ non laborat, nisi menses ipsi defecerint; quod tamen sexus sui beneficium hodiè peccatis nonnunquam perdunt, unde sceminam exuentes vitiis virilibus damnantur, ut his parùm mutatis *Seneca epist. 95.* verbis assentiamur *Galeno in comment. ad aphor. cit.*

Pluribus deteriore in passu virorum conditionem probaturus *Savonarola* diceret de nostro ægro: *quia magis fuit inordinatus, item magis coitivus*; ut expressa, licet barbara, ejus sunt verba, in genere de sexu virili loquentis, *in pract. maj. tract. 6. c. 22. rubr. 6. p. 275. B.*

TEMPERAMENTUM melancholico-pituitosum vel nudo nomine massæ sanguineæ impuritates abundè prodit. Quid enim aliud notat melancholia, ut jam innuimus, quam statum seri particulis salinis fixis, acidisque, ac fluorem adeptis tartareis inquinatum: pituita verò, quam serum ad coagulum mirum quantum proclive?

HABITUS CORPORIS ipse quasi loquitur, impar facile id esse morbis repudiandis, atque levi negotio illorum invasionibus succumbere.

EX NON-NATURALIBUS tempus hyemale, hujusque malifracissimum autumnale præsertim, & cui se aliàs etiam exponere solitus æger, AER frigidus, condensando fuliginosa cohibuit effluvia, in consortium corporis denuò recepta, & humidum nativum conspurcantia. Tacemus, eundem nervis esse inimicum, & figendis spiritibus animalibus, atque coagulando humori seroso aptissimum.



CIBI, quibus usus est, cum bonam partem consisterint ex *δύναται*, salitis, infumatis, pinguibus, muriatis, uberem omnino salium sylvestrium proventum procurarunt.

Largior VINI potus ad *Ξρι* & acidi morborum generationem egregie fecit duplici nomine; quatenus scilicet particulis sulphureis promptius evolantibus obnubilati spiritus, & intemperatae redditae fuerunt oleosae sanguinis particulae; resistans vero sub ista ingurgitatione amurca acida in ventriculo (vomitu mediante dentes stupefaciens) subinde chylum infecit, ejus dulcedinem vitiauit, & characterem peregrinum, suis locis separandum, impressit. Generosius vero vinum acidum licet magis occulat, illud tamen tum in docimastico universali corporis de se mittit, tum subtilius reliquis elementis nuptum in massam sanguineam invehit. Pertinet huc experimentum *Döringii*, qui ad celeberr. *Sennertum* perscripsit, ut hic refert *l. de artbrit. c. 2. p. 19. è 24.* mensuris vini Rhenani ferè *℥iij.* *Ξρι*, è *Tocaviensis* vero, inter Hungarica generosissimi, totidem mensuris vix *℥ij.* in *Ωne* repertas fuisse.

VITA SEDENTARIA quantum ad cumulandos humores serosos, eosdemque corrumpendos valeat, vix dici potest: ut inde *Coi* nostri mens sit *l. 1. de diet. c. 1. t. 18. & δύναται ἐσθίων ἀνδρας ὑγιαίνειν, ἢ μὴ καὶ πονέειν*, homo edens sanus esse non potest, nisi etiam laboret. Nec calor excitatur hoc torpore constante, nec dissipantur halituaosa effluvia serosa; sed instar aquae vitium capit non motu decenter vigoratus humor alibilis.

O intempestivum vero VIGILANDI studium, quod quieti, & viribus reparandis debebatur! In errore communi versatus eruditorum, corporis sui robur inquietâ cogitatione, nocturnaque vigiliâ minuit, ut loquamur cum *Celso l. 1. proœm p. 2.* nec vim suam reliquit ventriculo, quæ *Barclaji* sunt verba, evocato ad laborantis cerebri subsidium igne. Inde verò præsidibus suis tutelaribus destitutum serum facile labem contraxit, torpidum, lentum, vapescens redditum, non procedentibus cohobis viscerum.

Et ALVI quoque non debite succedens munus facile negotium facessit infimo ventri, & reliquis hinc alimentariis humoribus.



VENUS nimia totum corpus, in specie lumbos, maxime perè debilitando, viam ingredi parato malo stravit. Hinc Bacchi & Veneris filiam esse podagram Poëtæ finxerunt, juxta πολυ-  
θρύλλον illud:

Λυσιμελῆς βάκχος, καὶ λυσιμελῆς ἀφροδίτης  
Γέννεται θυγατὴρ λυσιμελῆς ποδάγρα.

i. e. è solvilumbâ Venere, solvilumboque Baccho creata est solvilumba Podagra.

IRA, cui frenum sæpenuerò æger laxavit, agitando vehementius spiritûs & humores, in susceptâ operâ interturbavit viscera ministerialiter sanguificantia, & motum eorundem in exterioribus partibus inæqualem reddendo insigniter membra debilitavit, ut ausim dicere, vix venerem, vel Bacchum tantum in generandâ podagrâ posse, quàm effrenem iram.

EX CAUSIS PRÆTERNATURALIBUS accusanda est vîscerum δυσκρασία insignis, ob fermentum ipsorum, stantibus sic rebus, necessariò adulteratum, unde non ritè à plurimis hæc nunc annis separârunt à massâ sanguineâ partes terreas, limosas, tartareas, salinas, per urinam excerni debitas; quæ fluitantes in eadem colophonem operi addiderunt. Verbo: non potuit non mali corvi malum ovum pronasci, ac æger, postquam aliquandiu ipsum afflictarunt varia symptomata scorbutica, modò respiratio difficilis & anxietas, modò hypochondriorum dolor, infelix demum exemplum regulæ evasit: nephritici & arthritici omnes sunt hypochondriaci.

Ex hisce causis enatus affectus sequentia produxit symptomata, quæ in historiâ signorum vicem obtinuerunt, quorum jam ratio reddenda venit.

1. *Lumborum dolor est profundus* ob partem ejusdem conditionis; *insignis* ob exquisiti sensûs subiectum; *continuus adhuc* ob vires materiæ peccantis hæcenus accumulata, nunc ablegata huc nondum exhaustas.

2. *Dolor nonnunquam versûs inguina, frequentius versûs os femoris fuit protensus*, partim ob nervorum lumbarium decursum, partim eorundem concursum ad articulationem toto corpore insignio-



infigniorem præstandam; unde affectæ ibidem potissimum sentiuntur partes sensiles.

3. *Ardor femoris* sentitur à materiâ morbificâ per arterias in partes hasce sensiles confertim illabente.

4. *Tristis sensus ad genu, suram & extima pedis productus* diffusæ in subjectas vicinas partes salinæ morbificæ causæ debetur.

5. *Motûs impotentia* impeditæ articulationi tum lumborum, tum inprimis ossis femoris imputanda. Simulac enim motus animalis imperatur, ob tensionem maiorem exacerbatio fit doloris; quin ob tumorem latentem non nisi dolorosa fit motitatio.

6. *Sinistrum potissimum latus, dextro salvo, afficitur*, quòd illuc magis deposita, vel recepta fuerit morbosa humiditas.

7. *Versus superiora nonnunquam, in humerum, & brachium ipsum* disseminavit dolorem materia illuc delata & transsumta.

8. *Nullus rubor & tumor adest externè*, ob profundiorum mali decubitus.

9. *Torpor labantia genua & manûs occupat*, à doloribus hæcenus perceptis vigore partium læso.

10. *Accensis dolorum facibus, extrema nonnunquam frigent*; ob recursum sanguinis & caloris versùs suum centrum.

11. *Crispantur venæ ac intumescunt*, à turgentibus in iisdem & efferatis salibus.

12. *Vagus æstus* tum totius corporis, tum laborantium præsertim partium, à sanguine & sero intemperatis & vitiosè rarefactis oritur.

13. *Somni adest defectus*, tum ob inquietatos spiritûs animales, importuno etiam tempore pandentes cerebri poros; tum ob lympham quoque minùs blandam.

14. *Appetitus mediocris* restat, ob consensum dolorificum minùs urgente usu, constantibus tamen sic satis adhuc calore & menstruo, coctionis præsidibus.

Quid igitur ægro sperandum sit, talia ob explicatas causas patienti, dicendum venit. **E V E N T U M** in genere ratione **S A L U T I S**



ITS & MORTIS quod spectat, Hippocraticum verissimum est elogium, quod morbus hic sit *ἥπιον* & *θανατώδης δὲ ἔ*, molestus, sed non letalis. Molestum fatis est malum, quod & dolorum continuatione, & vigiliis, aliisque symptomatibus satis fatigare solet ægros; prognosticon tamen generale, arthritidem & podagram non tam esse ex numero morborum necantium, quam torquentium, etiam affectui huic nostro quadrat, quandoquidem ex ipsis sanguinis undis naturæ quodam robore ad membra ignobilia materia vitiosa pellitur. Inprimis cum latius diffundatur, non uno ischii articulo, fixo dolore, contentus; non adeo affligat, ut decumbat æger, vel vires sint debiliores; nec coxas & lumbos solum obsideat; sed ἐς τὰ κάτω, ad infernas partes vergat magis, quam ἐς τὰ ἄνω, versus superiora, confidendum est, facilius tolli eundem posse. Monendus tamen æger, facile redire posse malum, præsertim annu- is solennioribus revolutionibus, vere, vel autumnis; unde mature tunc antevertendo malo operam impendet, cum melius & hic sit prævenire, quam præveniri.

Durationem, seu TEMPUS EVENTUS nimis breve determinare ipsa quidem morbi indoles prohibet, ad chronicorum enim classem pertinet affectus; cum verò jam aliquot hebdomadas morbus duraverit, tanto citius jam erit expectandus ejus finis, modò ipse non negligens sui dicto audiens fuerit, nec quicquam committat, quod protrahere ac fovere eundem queat.

MODUM EVENTUS designamus *Ἀγύσιον*, seu resolutionem, materiâ peccante attenuatâ, & partim per insensilem transpirationem, partim per sudorem, & excretionem huic symbolicam, urinam, eliminatâ. Possibile etiam est, succedere, quod nonnunquam fieri assolet, calculum, ad renes ablegato, & crescente humore præreo. Sed & illo metu vacuum esse ægrum posse speramus, si materiale illud calculi probè dissolvatur, ejusque generatio uberius prohibeatur. Neque ex circumstantiis adductis timendum est, ne claudus fiat, quod alias ischiadico affectu laborantibus non insolitum est.

CURATIO nunc subjungenda nititur receptâ indicationum triade. CURATORIÆ partes sunt, subjecto symptomatis pro-



prospicere ; inhærentem illi materiam resolvendo & dissipando, eamq̃, in M. S. quæ adhuc fluitat, pariter attenuando, ut per vias ordinarias excerni possit.

PRÆSERVATORIA circà subiectum causæ occupata scorbutum suscipit ameliendum; ne, si unum huic monstro caput amputetur, centum alia repullulascant.

VITALIS virium sollicitè rationem habens roborabit non solum partes recipientes, sed viscerum etiam reliquorum tonum, conservando appetitum, corrigendo vigilias, mitigando dolorem, & auferendo membrorum torporem.

INDICATA ab his auxilia extriplici usitato depromemus armamentario. Ex CHIRURGIA laudamus generosum illud, & magnorum morborum remedium, VENÆ SECTIONEM. Observatum est per frequentiore experientiam, nec arthriticos alios, nec ischiadicum cumprimis dolorem feliciter tolli posse, sine sanguinis missione. Hæc enim revellit à loco affecto consistentem sanguinem, & in motum legitimum asserit. Hæc temperat, & alterat ebullientem plus justo sanguinem, ut deservescens mitius influat. Hæc educit impropotionaliter excedentem si non mole, tamen virtute (ut ita loquamur) sanguinem. Hæc fluxiliorem eundem reddendo coagulationem prohibet, & consistentiam stabilit. Secetur vena cephalica, vel ischiatica in pede affecto, sanguinem ad  $\text{ʒiij.}$  vel  $\text{iv.}$  educendo. Cogitari etiam pro re natâ in posterum poterit de medianæ, vel salvatellæ sectione.

Vicariæ hujus CUCURBITULÆ cum & sine scarificatione non minorem merentur commendationem, tum discutiendi & evocandi, tum educendi sensibiliter sine, inprimis si malum diutius persistit.

FRICTIONES, subsistentibus humoribus serosis dispellendis unicè debitæ, ut sæpè visæ sunt vel solæ mitigasse dolorum incendia, ita cordi meritò habendæ, institutæ vel solâ manu, vel simul nervinis litibus, ut eò promptius juvent, parte unâ roboratâ.

VESICATORIA probatissima esse doloris ischiadici remedia,



media, unanimis autorum quasi omnium est sententia; & visi sunt ægri frustra aliis remediis usi ab hoc solo sæpè reportasse levamen. Unicum laudabimus dignissimum lectu locum *Pauli l. 3. c. 77.* ubi cùm sinapi cum caricis impositum laudasset, perfectè, inquit, ischiadicos restituit iberidis herbæ usus, quam sanè etiam lepidium, alii verò sylvestre nasturtium appellant. Iberin his casibus prodesse sine dubio est, cùm sit thlaspios species, illam verò lepidium dictam etiam *Galeno*, videatur *Bod. à Scapel. comm. in Theoph. hist. plant. l. 7. p. 765.* ipse verò speciatim lepidium genuinum, quod *Plinianum* vocant, & commendat, & eodem modo ac *Plin. l. 19. c. 9.* describit. Quæ verò, pergit, apud nos nascitur fruticosa, foliis lauri similibus, & multò majoribus, multam de se experientiam dedit, non solùm in coxendicum, sed etiam aliis diuturnis morbis. Quod verò *Dodoneus pempt. 5. l. 4. c. 24. p. 714.* lepidium existimari etiam scribit herbam *Griadem Apuleji l. de medicam in herb. c. 50. p. m. 170.* quam cum adipe ursino impositam ischiadicos tertiâ die sanare refert, descriptionem intuenti vix persuadetur. Adhiberi hinc potest emplastrum rubefaciens ex pice, sinapi, & sulphure; vel vesicatorium ex cantharidibus usitatum.

Sin malum contumaciùs inhæreat, vel revertatur, svademus inustionem **FONTICULI** in affecti pedis domesticâ vel sylvestri circa suras parte; quò exitum inveniat salinus ichor, & vellicare hinc cesset membranofum genus.

Ne verò quid intactum relinquamus, commendanda quoque venit **INUSTIO ACTUALIS**, hodiè denuò sub moxæ peregrinæ habitæ, & ab Indis repetitæ, apud nos tamen nascentis artemisiæ concerptæ mollugine præstanda. Audiamus antiquissimum *Hippocratem*, qui libro de affection. c. 30. t. 12. si in unum aliquem locum incubuerit dolor, & consiterit, & medicamentis non fuerit exactus, καὶσαί, inquit, καθ' ὁποῖον αὖ τόπον τυγχάνῃ ἔσθαι ἢ ὀδύνη καίειν δὲ τῷ ὠμολίνῳ, urito, quocunque loco fuerit dolor: urito autem lino crudo. Non potuisset sanè ipsius moxæ tam decantatæ meliorem descriptionem dare. Quod ut magis pateat, per linum crudum non intelligere, tenendum est, sine ullâ præpa-



præparatione tale; sed nondum in fila aptatum. *Prosp. Martianus comm. in l. de affect. f. 2. v. 25. pag. 170.* processum integrum doctè & nervosè his descripsit: accipiatur linum crudum, & arctè conglobatum reducatur in formam pyramidis, cujus basis latior in angustum coarctetur. Magnitudinem, seu latitudinem basis indicabit locus inurendus: non ignorato, ustionem aliquanto latiore fieri, quàm sit basis pyramidis. Hac igitur in summitate accensa loco inurendo apponatur, ibiq; resideat, donec tota materia absumpta sit; nam ignis serpendo ad cutim perveniens ustionem facit; Et, quod mirum videtur, ferè insensibiliter, & sine dolore. Extincto igne, porum elixum imponebat Hippocrates, donec, quod exustum est, decidat. Nostri butyrum cum caule adhibent; indeq; ulcus aperium servetur ad libitum. Quæ subjungit alia, quibus cum alii laudatas ustiones parârint, videantur apud ipsum *l. c.*

EX PHARMACIA probatissima quoque depromere licebit remedia: & quidem ut receptæ methodo consultandi insistamus, primùm nominamus LENIENTIA. Alvum succedere si in ullo, in hoc sanè morbo, per necessarium est. Expediri potest tum per os assumptis, tum per inferius guttur infusis.

Rx. *MP. Pear. Schröder. aloës violat. a. ʒiʒ.*  
*elix. antiscorb. q. l. M. F. l. a. pil. lx.*  
*S. öffnende Pillen X. auff 1 mal.*

Rx. *decoct. commun. pro clyst. ℥j. electuar. diaphæn. ʒvj.*  
*ol. M. Mathiol. ʒiʒ. M. F. Clyster.*

Rx. *rad. alb. malv. caryophyllat. belen. a. ʒiij.*  
*herb. s. emoll. chamadr. fl. chamem. lil. alb. a. mʒ.*  
*caric. pingv. n. vj. Coqv. in s. q. ∇a simpl.*

*Colat. ℥j. adde ol. rut. ʒj. sacch. Thom. ʒij. M. F. l. a. Clyster.*

PRÆPARANTIA cùm ab ipsis alterantibus non differant, ex illorum classe huc facilè trahi queunt, necessaria tamen ad aptandam educationi materiam, ut tantò feliciori id peragatur successu.

PURGANTIA subsequuntur, deplendæ saburræ serosæ ca-



cochymicæ apprimè debita. Frustrà enim fuerit, citrà horum adscitum consortium solis insistere alterantibus; debilioribus scilicet, quàm ut subigere sola infestum articulis humorem possint. Profunt eadem & in statu præservatorio, & curatorio; illo, ut antevertant, & aliorum invitent colligendos humores; hoc, ut expulsis morbificis humoribus, reliqua præsentiorens sortiantur effectum & aditum.

R. rob. sambuc. purg. Sennert. ʒiſſ.  
gialap. resin. ʒj. cryst. Fri gr. viij.  
resin. scam. gr. iv. sacch. parum. M. F. l. a. bolus.  
S. Laxier = Bissen.

R. ▽ laxat. Minder. ʒij. extr. catb. Andern. ʒj.  
Ⓢ fiat. gr. vj. sir. ros. sol. q. s. M. F. l. a. potiuncula.  
S. Purgier = Träncklein.

R. rad. caryophyllat. acetos. cichor. a. ʒj.  
fol. chamædr. summit. cent. min. fumar. a. mß.  
fl. 4. cord. a. p. j. cort. tamar. cappar. a. ʒiſſ.  
senn. Alexandr. s. s. ʒß. rhab. Alex. ʒiv.  
agar. troch. ʒß. costi ver. ʒj. schœnantb. cryst. ʒ. a. ʒij.  
Concis. contus. g. m. D. in sind. rubr. S. Laxier = Püschel.

DIAPHORETICA ægrum mirè solabuntur, disgregando & per poros, quos aperiunt simul, dissipando materiam morbificam non solum in articulos sævientem; sed in ipso etiam totius corporis habitu. Ut adeò & causam continentem & antecedentem foventem respiciant, & ceu divina feri exorbitantis præfidia, symptomatibus tam præsentibus, quàm metuendis egregiè obviam eant.

R. M. S. antiscorb. Ræ bez. Mich. a. ʒj. M. D. in vitr.  
S. Schwiß = Mixtur. Dos. gtt. xxx. XL.

R. Ræ bez. Dn. D. Præs. ʒij. — cochlear. urinos. ʒß.  
essent. anod. ʒß. M. S. Sonderbare Mixtur. Dos. gtt. xxx.

R. rob. ebul. ʒj. ʒ diaph. gr. xv. ʒ nat. gr. vj.  
laud. opiat. gr. ʒ. sir. card. bened. & sacch. q. s.  
M. F. l. a. bolus. D. ad chart.



Plurimum item auxilii DIURETICA polliceri, ex superius plus vice simplici dictis liquet. Hæc non minus ac diaphoretica causam morbificam promptè aggredientur, aperitiva genuina, & incidendo ac resolvendo, quod minus halituosum & dissipabile, per renes evacuando expedient. Unde & inter specifica locum apprimè inveniunt utraque, & diaphoretica & diuretica. Nec fulmen *Cappivaccii* timendum est apud *Cron. conf. 154.* diureticis, inquietis, calculus inducitur, & ischias augetur. Valet enim potius altera regula practica *Croniana conf. 352.* non aliud esse præstantius remedium pro podagrâ (adde & ischiade), quàm quod urinam movet, & sudores ciet.

Rx. *sem. 4. frig. maj. milii* ☉. a. 3j. *amygd. dulc. extort.* 3℞.

▽ *petros. alkek. chamædy. a. q. s. ros.* 3vj.

M. F. l. a. emulsio.

Colat. add. *magist. oc. ☉. 3i℞. sir. dialyb. Fernel. q. s.*

S. Harn-treibende Milch.

Rx. *Ræ violar. 3ij. ~ ☉ striat. 3j. M. D. in vitr.*

S. Öffnende Mirtur.

ALTERANTIBUS quoq; in specie sic dictis indigebit ager, quæ corrigendo miasma sanguinis scorbuticum, viscerumque fermentum adulteratum, horum simul tonum respiciant, sicque dispositionem ad affectum nostrum auferendo ipsummet jugulent.

Rx. *essent. ☉ Jtis Ludov. 3ij. anod. 3℞. M. D. in vitr.*

S. Scharbocks-Essenz.

Rx. *elix. propr. antiscorb. 3ij. ~ ☉ \*ci vinos. 3i.*

☉ *caryoph. gtt. ij. M. D. in vitr. S. Öffnende Mirtur.*

Rx. *Ræ J. pomat. 3ij. arcan. ☿ri 3j.*

M. D. in vitr. S. Blutreinigende Tinctur.

Rx. *arcan. ☿ Jlis, mixt. antiscorb. a. 3j. M. D. in vitr. S. u. f.*

Rx. *essent. lign. compos. 3ij. Ræ ♂ ☿sat. 3j. M. S. ut ante.*

Rx. ~ ☉ ☿ *volat. cochlear. urinos. a. 3j. M.*



Rx. ♂ *Alis cacheet. cinnab. nat. ppt. a. ʒj.*  
*magist. matr. perl. oc. ʒ. a. ʒj. laud. op. gr. j.*  
 M. F. pulv. Divid. in 7. part. æqu. S. in ch. *Gliedere*  
*pülverlein.*

Rx. *spec. diarrhod. abbat. diatr. sand. a. ʒj.*  
*croc. ♂ Anar. cinnab. nat. a. ʒß.*  
*rad. ari ppt. oc. ʒ. ppt. a. ʒj.*  
 ☉ *cinam. caryoph. a. gtt. j. M. F. pulvis.*  
 S. *Stärckpulver.*

Sin dolores urgeant, & vigiliæ inde productæ; illis quoque seorsim medela quærenda est, tanquam symptomatibus causæ vestem induentibus. Hoc sine & emulsiones & anodyna tum per se data, tum cum aliis remiscenda facient officium.

Rx. *amygd. d. ambros. ʒß. sem. 4. fr. maj. papav. a. ʒij.*  
 M. F. l. a. cum ▽ *hypnot. Dorncrel. ʒiij.*  
*acac. ceras. nigr. chamædr. sambuc. a. ʒj. emulsio.*  
 Colat. add. *magist. anod. Rolf. gr. viij. juleb. ros. q. f.*  
 M. D. in fict. S. *Ruhe-Milch.*

TOPICA repellentia in malo jamdum confirmato proscribimus, ne æger incidat in scyllam, dum vult vitare charybdin. Discutientibus, & articulos roborantibus, nervinis rem tutius committi posse, arbitramur; quorum agmen ducat linimentum nervinum *Wedelianum.*

Rx. *magnan. ʒij. lumbr. vol. ʒ \*ci a. ʒß. M.*  
 Rx. *empl. diaphor. Myns. ʒß. magnet. de ran. Vig. c. ʒ. a. ʒij.*  
 ☉ *sapon. q. f. M. F. l. a. empl. D. in ch. & vesic.*  
 S. *Zertheilend Pflaster.*

Rx. *empl. diasulph. de tacamah. a. ʒß. ungu. arthrit. q. f.*  
 M. F. l. a. empl. extendatur super alutam, & obduc.  
 sind. rubr.

Balneum etiam formicarum discutiet, evocabit, ac roborabit simul. sive nidum sylvestrium majorum sacculo inclusum co-  
 quas in ▽. s. sive addere malis plantas específicas.



*Rad. beten. alb. bryon. symph. a. ʒi.*  
*herb. agrimon. beton. iv. arthrit. chamadr. puleg. a. mʒ.*  
*origan. serpill. lavend. siderit. rosm. salv. a. mʒ.*  
*fl. chamom. mʒij. bacc. laur. ʒi. ♀ viv. ʒiʒ.*

M. S. Species zum Bade.

DIÆTAM brevibus subjungendam exactè observare debet æger: quod nisi faciat, vix ac ne vix quidem poterit declinare majorem adhuc miseriam facillimè subsequituram. Nam & de hoc affectu ille Arabum aphorismus utique valet: omnis recidiva est deterior suâ radice, vel sexcentis arthriticorum exemplis veritatem ejus confirmantibus.

IN VITALI AER sit temperatus, ad calorem & siccitatem inclinans. Frigidus cane pejus & angue fugiatur; muniat non solum corpus & defendat à frigore, sed & pedes cum primis, ne sanguis torporem & πᾶσι concipiat.

IN NATURALI CIBOS εὐχύλως καὶ εὐπέπῳς, qui alimentum præbeant γλιχρὸν, ac dulce, sensu medico, i. e. peregrinarum qualitatum expers, assumat justo tempore ac modo, ad σῶμα αἰσθῆσιν, corporis sensum mensurâ factâ. Imò si nonnunquam planè jejunium aliquod instituere velit, eò meliùs sanitati suæ consulat. Potus item non illam excedat mensuram, quæ pro siti sedandâ sufficit: nec tamen tantum de illo subtrahatur, ut chyli evaporation, & scybalorum alvi processio dein impediatur.

Vinum in specie, quantum fieri potest, vitet; aut, si tale sit, quod in sanis arthritidem ferè nunquam generat, parcius tamen illud bibat; probè simul observans, num aliis planè innoxium ipsi nihilominus noxam intentet.

IN ANIMALI MOTUI membra sensim assuescant; cumque ab imbecillitatis notâ penitùs fuerint liberata, se ad lenem sudorem interdum exercere antè prandium, non oberit: contractum autem motu calorem evanescere sinat priùs, quàm cibum aut potum sumat. Sed hîc quoque in aurem sibi dictum putet: ne quid nimis. Post pastum præsertim motum fortiolem haudquaquam suscipiat, ne chylus in vasa semicrudus præcipitetur.



SOMNO reficiat quidem sufficienter corpus; non tamen torpidum planè reddat. ANIMI AFFECTIBUS vehementioribus, inprimis iræ, pesti articularum, frenum neutiquam laxet, tanquam variæ *αἰσχυρίας* in corpore autoribus. VENUS sit paulò temperatior, quàm hactenùs; aliàs in fine nocet emptæ doloris voluptas.

EXCRETIONES per alvum & urinam non deficient. Illam desciscentem officii sui admonebunt medicamenta *ἐκκρωστικά*, & pro circumstantiis purgantia ipsa; hanc aperientia polychresta interdum adhibita.

**U**T pergis, pergas, pergendò semper honore  
Palladiò crescās Pœonioque simul!

*gratulabundus f.*

Rudolph. Wilhelmus Krauß/D. P. P.

**H**OBERGI, indomitos dum sedas arte dolores,  
ægrig, & Phœbus præmia certa parant.

Pereximio Dn. Respondenti  
gratulor

P R Æ S E S.

**D**E curâ Ischiadis dum doctè prospicis ægro,  
Ominor applaudens prospera quæque Tibi.

*Testande benevolentia causâ pos.*

Augustinus Henricus Faschius, D. P. P.

**I**Schia cur doleant, exponis. Perge, dolenti  
& Tibimet dolor hic gaudia mille dabit.

Boni ominis & faustæ adgratulat. ergò Nobiliss.  
atque Literatissimo Dn. HOBERGIO, Convi-  
ctori & Inquilino suo gratissimo ac honora-  
tissimo; ex Cathedrâ Medicâ de DOLORÊ  
ISCHIADICO publicè disputaturo, scri-  
bebat

Caspar Posner, Natural. Prof. Publ.